

Farg'ona haqiqati

Ijtimoiy-siyosiy, ma'naviy-ma'rifiy gazeta



<http://farhaqiqat.uz/>



t.me/farhaqiqati

ЎЗБЕКИСТОН ХАЛҚИГА ЯНГИ ЙИЛ ТАБРИГИ



Ҳеч шубҳасиз, буларнинг барчаси диёримиздаги барқарорлик, дўстлик ва ҳамжиҳатлик натижасидир.

Бугунги шукуҳли оқшомда сиз, азизларга, олижаноб ва бунёдкор халқимизга ҳалол меҳнатингиз, она юртга садоқатингиз учун самимий миннатдорчилик изҳор этаман.

Қадрли дўстлар!

Биз 2025 йилга мамлакатимизда Атроф-муҳитни асраш ва "яшил иқтисодиёт" йили деб ном бердик. Асосий мақсадимиз – инсон ва табиат мувозанати-га асосланган тизим яратишдир.

Янги йилда бизнес учун янада кенг имкониятлар яратилади. Хусусий мулк дахлсизлигини таъминлаш, хорижий инвестицияларни фаол жалб этиш ишларини қатъий давом эттирамиз.

Ижтимоий соҳалар, иш ҳақи, пенсия ва стипендиялар, нафақалар миқдорини ошириш эътиборимиз марказида бўлади.

Фарзандларимизнинг замонавий билим ва касб-ҳунар эгалари, баркамол бўлиб тарбия топишлари учун бор куч ва имкониятларимизни сафарбар этамиз.

Илм-фан, таълим, соғлиқни сақлаш, маданият ва санъат, спорт соҳаларига эътибор янада кучайтирилади.

Мухтарам faxрийларимиз, хотин-қизлар ва ёшларга ғамхўрлик қилиш, ижтимоий ҳимоя самарасини ошириш устувор вазифамиз бўлиб қолади.

Қуролли Кучларимиз салоҳиятини мустаҳкамлаш, ҳарбий хизматчилар ва уларнинг оила аъзоларини қўллаб-қувватлаш ишларини янги босқичга кўтарамиз.

Мухтасар айтганда, "Инсон қадрли учун, инсон бахти учун!" деган олижаноб мақсадни барчамиз биргаликда амалга оширамиз.

Азиз ва мухтарам юртдошлар!

Барчангизни, чет эллардаги ватандошларимиз, хорижий ҳамкор ва дўстларимизни бугунги кутлуғ байрам билан яна бир бор чин дилдан табриклайман.

Янги йил ҳар бир инсон, ҳар бир оилга, жонажон юртимизга катта-катта ютуқ ва омадлар олиб келсин!

Ҳамма эзгу ниятларимиз рўёбга чиқсин!

Янги йил барчамизга муборак бўлсин!

Шавкат МИРЗИЁЕВ,
Ўзбекистон Республикаси Президенти.

Мухтарам ватандошлар!

Сиз, азизларни, кўпмиллатли Ўзбекистон халқини янги – 2025 йил билан чин қалбимдан муборакбод этаман.

Жаҳондаги мураккаб вазиятга қарамасдан, ўтаётган йил мамлакатимиз учун қутли ва баракали бўлди. Бунинг учун ҳар қанча шуқрона айтсак, арзийди.

Меҳнатқаш халқимизнинг фидокорона меҳнати, сиёсий-ижтимоий фаоллиги билан Янги Ўзбекистон гоёси реал воқеликка айланмоқда.

Олий Мажлис ва маҳаллий кенгашларга бўлиб ўтган сайловлар демократик ислохотларнинг янги даврига қадам қўйганимизни яна бир марта тасдиқлади.

Юртимизда юқори технологияли янги sanoat мажмуалари, инфратузилма ва логистика тармоқлари, автомобиль ва темир йўллар барпо этилди. Бизнес, IT ва туризм соҳалари изчил ривожланмоқда. Аҳоли даромадлари ва турмуш сифати ошмоқда.

Миришкор деҳқон ва фермерларимиз, кластерлари-

миз ишчи-хизматчилари мардона меҳнат қилиб, мўл ҳосил этиштирдилар.

Янги уй-жойлар, боғча ва мактаблар, олийгоҳлар, маданият ва спорт масканлари қад кўтармоқда. Юртимиз тобора обод қиёфа касб этмоқда. Минглаб юртдошларимиз Янги йилни янги уйларида кутиб олмақда.

Билим ва шижоатли, навқирон ёшларимиз улкан ютуқларни қўлга киритмоқда. Айниқса, Олимпия ва Паралимпия ўйинларида эришилган рекорд натижалар миллий спортимиз тарихида янги саҳифа очди.

Фуқаролик жамияти институтлари, хусусан, маҳалланинг роли ва таъсири кучаймоқда. Маънавий юксалиш жараёнида эришилган ҳаётимизда янги куч, янги ҳаракатга айланмоқда.

Глобал аҳамиятга эга ташаббусларимиз жаҳон ҳамжамияти томонидан қўллаб-қувватланмоқда. Халқаро майдонда Ўзбекистоннинг рақобатбардош мамлакат, ишончли ҳамкор сифатидаги обрў-эътибори юксалиб бормоқда.



"ҚўқОН ТЕХНОПАРКИ" МАХСУС САНОАТ ЗОНАСИ ТАШКИЛ ЭТИЛАДИ

Ўзбекистон Республикаси Вази́рлар Маҳкамаси қарори билан Учкўприк туманида "Қўқон технопарки" махсус sanoat зонаси фаолияти йўлга қўйилади.

- Худудда тўғридан-тўғри хорижий инвестициялар киритиш ҳисобидан электротехника, машинасозлик, кимё ва бошқа йўналишларда инвестиция лойиҳалари амалга оширилади. Иштирокчиларга солиқ ва божхона имтиёзлари тақдим этилади.
- Қарорга мувофиқ, Фарғона вилояти ҳокимлиги зиммасига махсус sanoat зонаси худудидида 2026 йил охирига қадар:
- 1,5 миллиард доллар миқдоридида инвестициялар ўзлаштирилиши;
 - 5 мингта янги иш ўринлари яратилиши;
 - йилга қиймати 1,5 триллион сўмдан ортиқ sanoat маҳсулотлари ишлаб чиқариш қувватлари ишга туширилиши;
 - қиймати йиллик 75 миллион доллар миқдоридида маҳсулотлар қўшимча экспорт қилиниши;
 - Давлат бюджетига йилга 180 миллиард сўм қўшимча солиқ тушумлари тушишини таъминлаш вазифалари юклатилиди.

ТЕХНОПАРК

Йил сарҳисоби

ИҚТИСОДИЁТНИНГ ЮКСАЛИШИ –

ФАРОВОН ТУРМУШ АСОСИ



"Кеча бугуннинг, бугун эртанги куннинг омадли бўлиши, ривожланиш ва ўсиш-ўзгаришларига замин яратади", деган гап бор. Дарҳақиқат, тарихга айланган "Ёшлар ва бизнесни қўллаб-қувватлаш йили"да иқтисодий-ижтимоий ҳаётнинг барча тармоқларида эришилган муваффақиятлар, ютуқлар 2025 – "Атроф-муҳитни асраш ва "яшил" иқтисодиёт йили"да халқимиз турмуш фаровонлигини янада юксалтириш, ишчи ўринларини кўпайтириш, аҳолининг муҳтож қатламни камбағалликдан чиқариш сингари устувор вазифалар ижросини янги босқичга олиб чиқиш имконини беради.

Вилоятимизда ўтган йил иқтисодиёт тармоқларида эришилган натижалардан кўнгли тўлдими? Янги йилда бизни қандай вазифалар кутиб турибди? Мухбиримиз ана шу саволлар билан Фарғона вилояти Иқтисодиёт ва молия бош бошқармаси бошлиғининг биринчи ўринбосари Зафаржон РЎЗАЛИЕВга муурожаат қилди.

Давоми 2-бетда

Тошлоқ туманининг
"Тараққиёт" кичик саноат зонасида жойлашган
"FARKABEL" МЧЖ жамоаси

Вилоятимиз аҳолиси ва соҳа ходимларини она заминимизга қадам қўйган 2025 йил –

"Атроф-муҳитни асраш ва "яшил" иқтисодиёт йили" билан самимий муборакбод этади.



Корхона раҳбарияти Сизларга мустақкам соғлиқ-саломатлик, дастурхонингизга тўқин-сочинлик, Ватанимиз тинчлиги ва фаровонлиги йўлида амалга ошираётган эзгу ишларингизда муваффақият, файзу барака тилайди.
Мамлакатимизда тадбиркорлик фаолиятини юритишга кенг шароитлар яратиб берилгани, қатор имтиёзлар жорий этилгани, қолаверса, чекловсиз валюта эркин савдосига рухсат берилиши туфайли туманининг "Тараққиёт" кичик саноат зонасида кабель ишлаб чиқаришни йўлга қўйдик. Ҳақиқатан ҳам, тизимда электр қувватларини тарқатиш учун эшими йўғон, усти поли-этилен қобикланган турли кесимдаги кабелларга эҳтиёж бор эди.
Тадбиркорларга яратилаётган имкониятлардан фойдаланиб, корхонага 13 миллион доллар инвестиция киритилди. Ишлаб чиқариш тўла компьютерлаштирилди, 30 та ишчи ўрни яратилди. Ҳозирда Хитой, Туркия, Россия ва Европа давлатларидан олиб келинган дастгоҳлар ёрдамида турли ўлчамдаги электр симларидан юқори кучлинишли электр қувватларини олиб ўтвучи, эшими 37 қаватгача бўлган сим ва кабеллар ишлаб чиқарилиб, бунортма асосида ички бозорга етказиб берилмоқда. Бу эса вилоятимиз иқтисодиёти юксалишига "FARKABEL" МЧЖ қўшаётган ҳиссадир.

Яна бир бор барчага
Янги йил муборак бўлсин!

АРАВАГА

"Ортилган" тирикчилик

Ёнимиздаги ОДАМЛАР

Рўзгор – ғор. Ҳадеганда унинг ками тўлавермайди. Шундай дамларда бозор-ўчар қилгани шошиламиз. "Отанг бозор, онанг бозор" деганларидек, бундай жамоат жойларида ҳаёт қайнайди. Бу ерда ёшу қарини учратасиз, ҳаммининг қўлида рўзгор халтаси. Билангиде кучи борлар иккала қўли банд бўлса-да, манзилигача етиб олади, аммо ёши катталар атрофга аланглаб, арава қидиради.

Шу кезларда "Пўшт, арава" деган овоз келган томонга қарайсиз. "Ҳой ука, бўшимсиз?" Келишангиз, оғирингиз енгил бўлади. Озгина "чой-чақа" олиб кун қўришади, бу аравақашлар. Лекин дакки ҳам эшитишади, чунки, одамларнинг хотиржам савдо қилишига, йўл юришига халақит беришади ҳам. Ҳатто уларга қўпол муомалада бўладиганлар топилади.

арғона шахридаги "Марказий деҳқон бозори"га борганимда, шу иш билан машғул бўлаётган инсонлар билан суҳбатлашиб қолгимиз келди. Уларнинг аксарияти ёшлар, ногиронлиги бор шахслар. Ҳатто мактаб, коллеж ўқувчилари ҳам бор. Уст-бошлари бир аҳволда. Баъзиларнинг айтишича, иложсизликдан арава етаклашяпти: оила тебратиш, рўзгор камига кўмаклашиш, касбига мос ишнинг йўқлиги ёки мавжуд ишнинг соғлиғига тўри келмаслиги ва ҳоказо. Энг муҳими, "Тирикчиликнинг айби йўқ-ку!" деб қўйишади. Фикрларига қўшилмасликнинг иложи йўқ.

Тўғри, аравақашлик бирор касб ёки хунар эмас, бироқ уни кундалик юмушига айлантириб олиб, топаётган уч-тўрт сўм даромаддан рўзгор тебратётганлар кам эмас экан бозорларда. "Тирикчилик – тошдан қаттиқ!" эканлигини ўзларининг умр йўллари мисолида ҳам айтиб ўтишди улар.

– Фўқароларнинг бозор-ўчарларига енгиллик яратиш мақсадида 50 та аравача ташкил қилганимиз, – дейди "Марказий деҳқон бозори" АЖ раҳбари Тоҳиржон Нуриддинов. – Бизга шахсини тасдиқловчи ҳужжати билан мурожаат қилган шахсларга кундалик ижара ҳақи ҳисобидан арава берамиз. Атиги 10 минг сўмдан. Доимий ишлаётганларнинг 20 нафари гапиршиш ва эшитиш имкониятига эга эмас. Улардан ижара ҳақи олинмайди. Аравақашлар одамларнинг мулкига зарар етказишига, ичкиликка ружу қўйишига йўл қўймаймиз. Иккинчи томондан, уларнинг ҳуқуқларини ҳам ҳимоя қиламиз. Бозорга ҳар кун турли-туман одамлар қиради. Ичиде яхшиси, ёмоним бор. Шу боис, доимо ҳушёр бўламиз.

– Эшим олтимиши қоралаб қолди, – дейди қувасойлик Абдуллажон Рўзиев. – Тутканок касали билан нафақага чиққанман. 2 нафар фарзандим бор. Аёлим ободонлаштириш ишларига чиқади. Унинг топгани ва нафақа пули билан оила тебратиш қийин бўляпти. Болаларим келажакда мен каби арава етаклашини истамайман. Ўқишлари яхши, қўшимча билим олиш учун репититорга қатнашади. Унга ҳам пул керак. Майли, ўғил-қизларимиз

билимли бўлиб олишгани ютуғимиз. Тўғриси айтсам, шу ёшда ўғлим тенги йигитлар билан арава тортиб юганимдан афсусланаман. Лекин яшаш учун ҳаракат қилиш керак. Айримлар ёшимни ҳурмат қилади, баъзилар хизматимдан фойдаланишни истамайди.

"Карвон кўп, ризқи бўлак" деган нақлга чин дилдан ихлос қўйганлардан яна бири тошлоқлик 44 ёшли Бахтиёржон Султоновдир. Гарчи у бозордан топгани айтишга арзирли бўлмаса ҳам кунни қанда қилмай келаверади. Шериклари кунига 100-150 минг сўм жамғараётган бир пайтда, у 50-60 минг сўм билан уйига қайтади.

– Эрталаб соат 7:00 дан иш бошлаймиз. Чунки куннинг баракаси эрта тонгда, – дейди аравақашлар.

Чимёшлик Муҳаммадали Ҳилолов "Марказий деҳқон бозори"нинг энг тажрибали арава етакловчиси. У 20 йилдан буён шу хизматда. Озода кийиниб, мижозлар билан чиройли муомала қилаётган бу одамоқун йигит пешона тери билан топаётган даромади рўзгор тебратишга етиб турибди. Фарзандларининг еб-ичиши, кийинишида бировдан камлари йўқ.

Аравақашлар тўрт фаслда бирдек меҳнат қилишга одатланган. Чунки нимадир сабаб бўлиб, ишга чиқолмай қолишса, шу кун қўллари қуруқ қолади. Аммо улар боқиманда бўлиб ҳаёт кечиришни истамайдиган ориятли инсонлар. Суҳбатимиз асосида ағладики, инсоннинг қандай яшаши ўзига боғлиқ. Меҳнат қилишнинг эса ёмон томони бўлмайди. Муҳими, унинг ортидан келадиган даромад ҳалол бўлсин. Шундагина кунгил хотиржам, рўзгорда барака бўлади.

Муаттар МАҲМУДОВА.

MUQIMIY NOMIDAGI QO'QON DAVLAT PEDAGOGIKA INSTITUTI QUYIDAGI VAKANT LAVOZIMLARGA TANLOV E'LON QILADI

Kafedra assistent o'qituvchisi lavozimiga:
1. Huquq ta'limi kafedrasi – 4 nafar.
Tanlovga hujjatlar qabul qilish muddati e'lon chiqqan kundan boshlab 1 oy.
Murojaat uchun manzil: Qo'qon shahar, Turon ko'chasi, 23-uy, 1-o'quv binosi, 216-xona.
Telefon: 91 143-29-81. **Kengash kotibi:** O.Abdullayev.

<p>МУАССИС: "Farg'ona haqiqati" va "Ferganskaya pravda" gazetalari tahririyati</p> <p>Бош мухаррир: Рустам ОРИПОВ</p>	<p>2021 йил 18 августда Ўзбекистон Республикаси Президентини Администрацияси хузуридаги Ахборот ва оммавий коммуникациялар агентлиги Фарғона вилояти ҳудудий бошқармасида 12-001 рақами билан рўйхатдан ўтган. Индекс: 7521.</p> <p>Газета жума кунни чиқади. Адади: 2800 нусха.</p>	<p>Газета "Zakatov nashriyot uyi" МЧЖ босмахонасида тахририятнинг оригинал макети асосида офсет усулида А-2 формат (4 саҳифа)да чоп этилди. Босмахона манзили: Наманган вилояти, Қосонсой шаҳар, Чорбоғ кўчаси, 17. Буюртма: 10997.</p> <p>Баҳоси келишилган нархда. ★ Навбатчи мухаррир: Маҳиёра Бойбобоева.</p>	<p>Бизнинг манзил: 150114, Фарғона шаҳар, Соҳибқирон Темур кўчаси, 28-уй.</p> <p>Бош мухаррир қабулхонаси: (факс) 73 226-02-70. Реқлама ва эълонлар: 73 226-71-24.</p> <p>Саҳифаловчи: Алишер Розиков.</p> <p>Босишга топшириш вақти: 18.00. Топширилди: 16.00.</p>
---	--	---	---